

ღია მმართველობა საქართველოს ფორუმში შემავალი არასამთავრობო ორგანიზაციების რეკომენდაციები საქართველოს მთავრობის სამოქმედო გეგმის შემუშავების პროცესში საჯარო კონსულტაციების მოწყობის თაობაზე:

- 1) მთავრობის უახლოეს სხდომაზე იუსტიციის სამინისტრომ გააკეთოს პრეზენტაცია OGP-ის სამოქმედო გეგმის შემუშავების შესახებ;
- 2) მთავრობამ უზრუნველყოს საჯარო უწყებების მაქსიმალური ჩართვა სამოქმედო გეგმის შემუშავების პროცესში;
- 3) განისაზღვროს მთავრობის რესურსი (ფინანსური და ადამიანური), რომელიც გამოიყოფა საჯარო კონსულტაციის პროცესისთვის;
- 4) საქართველოს პრემიერ მინისტრმა მოაწყოს პრეს-კონფერენცია ანტიკორუფციულ საბჭოს სამდივნოსთან და OGP-ში ჩართულ არასამთავრობო ორგანიზაციებთან ერთად საქართველოს OGP-ში მონაწილეობის შესახებ;
- 5) მთავრობის PR-მენეჯერმა მთავრობის მთავარ ვებ-გვერდზე - government.gov.ge-ზე შექმნას ბანერი OGP-ის შესახებ, რომლიდანაც ვიზიტორი მოხვდება იუსტიციის სამინისტროს მიერ შექმნილ OGP-ის გვერდზე;
- 6) საქართველოს მთავრობამ შექმნას ღია მმართველობის პარტნიორობისადმი მიძღვნილი ვებ-გვერდი (შესაბამისი დომენის რეგისტრაციით), სადაც თავმოყრილი იქნება ყველა ინფორმაცია OGP-ის შესახებ: რას წარმოადგენს OGP, რატომ არის ის მნიშვნელოვანი, OGP-სთან დაკავშირებული დოკუმენტები და მასალები, OGP-სთან დაკავშირებული მოვლენები და ღონისძიებები, OGP-ში მოქალაქეთა მონაწილეობის შესახებ ინფორმაცია, ელ-ფოსტის სიაში გაწევრიანება; სამოქმედო გეგმასთან დაკავშირებული ინფორმაცია (ანგარიშები და შეფასებები) და სხვა
- 7) ინფორმაცია ამ გვერდის შესახებ კოორდინირებულად გავრცელდეს სოციალურ ქსელებში;
- 8) იუსტიციის სამინისტროს OGP-ის გვერდზე ხელმისაწვდომი იყოს სამოქმედო გეგმის შემუშავებისთვის გაგზავნილი კომენტარები გვერდის ვიზიტორისთვის;
- 9) შეიქმნას OGP-ს ვებ-გვერდის სარეკლამო რგოლი, რაზეც ერთად იმუშავენ მთავრობა და არასამთავრობო ორგანიზაციები;
- 10) საზოგადოებრივ მაუწყებელზე გავიდეს ერთი ან რამდენიმე გადაცემა OGP-ს შესახებ, რომელშიც მონაწილეობას მიიღებენ არასამთავრობო ორგანიზაციების წარმომადგენლები;
- 11) რეკლამა გავიდეს იუსტიციის სახლებში და საზოგადოებრივ ცენტრებში;
- 12) საინფორმაციო ლიფლეტები და ფლაერები დაიბეჭდოს და გავრცელდეს OGP-ის შესახებ;
- 13) შეიქმნას ე.წ. mailing list, რომელზეც დროდადრო დაიგზავნება ინფორმაცია OGP-ს შესახებ (საჯარო სექტორი, ბიზნეს სექტორი, აკადემია, სამოქალაქო სექტორი);
- 14) ყველა საჯარო დაწესებულების ვებ-გვერდის მთავარ გვერდზე დაიდოს OGP-ს ბანერი, რომელიც მომხმარებელს OGP-ს ვებ-გვერდზე გადაამისამართებს;
- 15) გაიმართოს საინფორმაციო კამპანია საჯარო სამსახურებისთვის, მედიისათვის, არასამთავრობო სექტორისთვის, ბიბლიოთეკებისათვის, სტუდენტებისთვის და რეგიონებში სხვადასხვა ჯგუფებთან იმის შესახებ, თუ რა არის OGP.
- 16) კონსულტაციების პროცესი (საჯარო კონსულტაციის სტრატეგია):

OGP-ის შესახებ ინფორმაციის გავრცელების მიზნით და ასევე, მთავრობის სამოქმედო გეგმის განახლებისთვის იდეების და პრიორიტეტების განსასაზღვრად სამხარეო ადმინისტრაციების ცენტრებში შედგეს შეხვედრები შემდეგ ჯგუფებთან:

- ა) ადგილობრივი მედია ;
- ბ) უმაღლესი სასწავლო დაწესებულებები;
- გ) ადგილობრივი NGO-ები;
- დ) საკრებულოს- გამგეობის წარმომადგენლები;
- ე) პოლიტიკური პარტიები;
- ვ) ადგილობრივი ბიზნესის წარმომადგენლები;
- ზ) სკოლები;
- თ) ბიბლიოთეკარები;
- ი) პროფკავშირები;
- კ) უმცირესობები.

დონორთა მოსაზიდად, თბილისში, ასევე მოხდეს შეხვედრები საერთაშორისო ორგანიზაციებთან და დიპლომატიურ კორპუსთან.

- 17) შეხვედრებისთვის გამოყოფილმა სპეციალურმა საჯარო მოსამსახურემ (მდივანმა) ჩაიწეროს ყველა მნიშვნელოვანი გადაწყვეტილება და დისკუსია, იდეა, დამსწრე საზოგადოების მოთხოვნა, და ასე შემდეგ; აღნიშნული ჩანაწერი უდნა გამოქვეყნდეს ზემოთხსენებულ OGP-სთვის შექმნილ ვებ-გვერდზე
- 18) საჯარო კონსულტაციებში იმ მოქალაქეების ჩართულობის მიზნით, ვინც ვერ ახერხებს ღონისძიებაზე დასწრებას, უზრუნველყოფილი იყოს კონსულტაციის შეხვედრების Live Streaming (ვიდეო და ტექსტური); ასევე მოქალაქეთა მიერ კომენტარებისა და კითხვების დასმა შესაძლებელი იყოს Twitter-ზე შექმნილ მისამართზე - #OGP Georgia.

საჯარო კონსულტაციის პროცესი განისაზღვროს შემდეგი გრაფიკით:

- 1. მოსამზადებელი პერიოდი: 1 მარტი - 15 მარტი;
- 2. კონსულტაციის პროცესი: 15 მარტი - 15 აპრილი (თბილისი, ქუთაისი, რუსთავი, ახალციხე, ბათუმი, ოზურგეთი, ფოთი, ზუგდიდი, გორი, თელავი)
1 კვირა განისაზღვროს საჯარო კონსულტაციისთვის თბილისისთვის.
2-2 დღე სხვა დანარჩენი ქალაქებისთვის.

ფორუმის წევრი არასამთვრობო ორგანიზაციები:

- ინფორმაციის თავისუფლების განვითარების ინსტიტუტი (IDFI)
- საერთაშორისო გამჭვირვალობა - საქართველო
- საქართველოს ახალგაზრდა იურისტთა ასოციაცია
- ფონდი ღია საზოგადოება - საქართველო
- ჯამჰსტარტ საქართველო
- ეკონომიკური პოლიტიკისა კვლევის ცენტრი